

Enformaziuns y Comunicaziuns

San Florian: En domëgna ai 5 de má festejunse endò deboriada con la comunité d'La Pli y i Stödafüs de entrami i paisc la festa de San Florian ia Curt. Düc canc é enviês ala prozesciun, co pëia ia ales 8:30 da dljia demez. Laía sarál spo i 2 vagneli encër la taela, mëssa deboriada y dedò gnunse endò ca en prozesciun.

Oraziun: En lönesc ai 29 d'aorí ales 20:15 él te salf de calogna la encuntada de reflexciun sön la Bibia, con signor Sepl Granruaz. Düc é enviês y bënödüs.

Prozesciun: En lönesc ai 13 de má él la prozesciun dai ëi da Porsenú a Neustift. An pëia ia ales 21:00 da plaza d'Acquarena demez y a Neustift él spo mëssa. Al vën ince organisé na coriera. Chi co oress jí empara dess s'anunzié pa Salvester Vittur al 333/7247516, anter i 10 de má. La coriera passa jö Longega ales 19:30.

Zënter Families Mareo: Le ZFM enviëia families y düc i interessês ala sontada generala, **en jöbia ai 2 de má** ales 20:00, te salf de calogna. Te cösta ocasiun gnarál ince prejenté le "Leitbild" y la plata internet nea, lité danö le comitè y festejé i 10 agn. **En dedemesaledema ai 1. de má** vëgnel fat na escursciun a Natz, a ciarè la floridöra dai lëns da pom. An pëia ia (con auti privac) ales 9:00 sön plaza dal Stadio. Al sará na spazierada saorida y dedò ván a ciarè la defilada dla floridöra. Mangé pón söla festa. Enformaziuns y prenotaziuns pa Monika al 348/9326779.

En sabeda ai 1. de jügn vëgnel fat la jita por sozi dal ZFM, tal zoo Hellabrunn. An pëia ia ales 6:30 sora plaza dla nodadoia. Le cost é de 20,00€ a familia. Infos y prenotaziuns anter i 30 d'aorí al 333/2181049 y paienn ete le prisc sön le cunt dal ZFM, denn dant tan de mëmbri dla familia co vën empara. Le mangé é da se tó.

KVV Seniorenclub: Al vën lascé alessèi che le pelegrinaje a Cembra, programé por i 9 de má, vën sposté ai 23 de má.

Uniun dles Ères: Le Uniun organisëia n curs da cujiné patüc arestí con Loise da Garsun, en lönesc ai 6 de má dales 14:00 ennant. Le curs vën tigní tla Ostaria Garsun. Por enformaziuns y iscriziuns telefoné a Cristina Rubatscher al nr. 335/8366018.

Curs: La Bike School d'Al Plan organisëia n curs dla roda por mituns dai 5 agn ensö. Al mët man en jöbia ai 2 de má ales 15:00, ete dal ciamp dal sport. Le curs vá ennant por 6 iadi, tres de jöbia. Enformaziuns pa info@mtb-sanvigilio.it o al 331/7429586.

Dé dal Ambient: En sabeda ai 4 de má ales 9:00, dan paiun. I sac vën motüs a desposiziun. Gragn y pici é bel enviês da tó pert y dess se tó do manëces y/o pinzes da chëie sö le ciomont. Ales 12:00 él pa paiun na griliada por düc.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA
www.unitepastorala.org

Ann C

28.04.19 - 2. Domëgna de Pasca - Domëgna Blanca

nr. 22

I discepu se ralegrâ da odëi le Signur!

Dal Vagnele dô San Jan 20, 19-31

¹⁹La sëra dal pröm dé dal'edema, canche i discepu i dla tēma dai iüdes saré pro les portes, él gnü Gejú, é jü amesa ëi ete y ti á dit: Pësc a os! ²⁰Do cöstes parores ti ál mostré söes mans y so piet. Danló se ralegrâ i discepu da odëi le Signur. ²¹Gejú ti á ciamó n iade dit: Pësc a os! Descó le Pere m'á mené me, encsiö se mëni iu os. ²²Dò ch'al á albü dit cösc, ti ál fladé ados y ti á dit:

Ciafede le Spirit Sant! ²³A chi che os ti lascëis dô i picëis, ti éσαι lascês dô; y a chi che os ne ti ai lascëis nia dô, ne ti éσαι nia lascês dô. ²⁴Tomesc, nominé Didimus (jomelin), önn dai dodesc, n'ea nia pa d'ëi, canche Gejú ea gnü. ²⁵I atrí discepu ti á spo dit: I án odü le Signur. Al ti á rospognü: Sc'i ne vëighi nia les ferides dai agüs te söes mans y sc'i ne pó nia mëter mio dëit tal büsc dai agüs y mia man te so piet, ne creii nia. ²⁶Otedé dedò ea sù discepu endò abinês adöm, y Tomesc ea lapró. Danló él gnü Gejú - les portes ea slütes pro - é jü amesa ëi ete y á dit: Pësc a os! ²⁷Spo ti ál dit a Tomesc: Tin ca to dëit - tló é mies mans! Tin ca tóa man y mëtela te mio piet, y no ester descherdont, mo cherdont! ²⁸Tomesc ti á rospognü: Mio Signur y mio Dio! ²⁹Gejú ti á dit: Deache te m'as odü, creieste. Beaé é chi co ne vëiga nia y crei empó.

Parora dal Signur. - Lalt a te, Gejú Crist!



Poscibilitè da se pissié, s'encunté, se baié fora con n preo a Oies

Ince fora dal tomp de Carsëma pita la Unité Pastorala Val Badia la poscibilitè da se pissié, s'encunté y s'la baié fora con n preo sö Oies. Cösc vigne vëndres dales 16:30 ales 18:00. Chisc é i prei co s'á motü a desposiziun tles proscimes edemes

03.05: Signor Tone Fiung

10.05: Pater Franz Senfter

17.05: Signor Andreas Perathoner

24.05: Signor Degan Iaco Willeit

31.05: Signor Franz Sottara

07.06: Signor Heinrich Ellecosta

14.06: Signor Heinrich Perathoner

Domègna: 28.04.2019: II. Domègna de Pasca: Domègna Blanca



8.30: S.M. a La Pli

9.30: Oraziun dla domègna: Corona

10.00: S.M. pro popolo por dōta la Ploania
Presentaziun dai Crejimandi

18.00: S.M. por +nc' Maddalena y Jep Palfrader, Prè
S.M. por +nt Jergele Taibon de Pauracia
S.M. por +nt Giuseppe D'Amico

Lön. 29.04.:

Santa Caterina da Siena: Sa.Roswitha, S.Dietrich

7.30: S.M. por +nt Jepele Frontull
S.M. por +nta Ida Pisching de Candido
S.M. por +nt Helmut Pisching da Pederü
S.M. por +nt Michael Kostner de Candido

Dédol.30.04:

S.Pius, S.Quirin, Sa.Pauline, Sa.Rosamunde

19.30: Corona do intenziun

Dédem 01.05:

S.Ojöp laurante, Patrono dai lauranti, S.Arnold

18.00: S.M. por +nta Ferdigg Emilia
S.M. por +nc' Lois y Mena Taibon
S.M. por +nc' Huber Alois y Grunser Maria
S.M. por +nc' Heinrich y Juditta Burchia, de Brüscia

Jöbia 02.05:

S.Anasthasius Bekenner, S.Sigismund, Sa.Zoe

Vijita personala te dljia y cortina

Vèndr.03.05:

S.Apostui: S.Jakobus y S.Philippus, Sa.Geva

1.vèndres dal mens

7.10: S.M. por i scolari

S.M. por Fam. Hans y Maria, Cone da Val
S.M. por Fam. de Corcela y de Berto
S.M. por +nta Nane Konrater – Palfrader
Funziun dal sacher Cör de Gejú

13.00: Al vegn porté la S.Comuniun ai Amarès

15.00: Ora de oraziun y adoraziun

Sab.04.05:

Sancta Maria in sabato tempore pascali: S. Florian martir

17.00: Poscibilité da se pissié

17.30: Corona - Rosario

18.00: S.M. por +nc' Canzio y Marta Obojes, de Gorghe
S.M. por +nc' dles Fam. Brugger y Taibon
S.M. por +nt Paul Obojes de Gorghe
S.M. aniv. por +nt Pire Maneschg da Ciane
S.M. aniv. por +nt Figile Comploi de Mena
S.M. por +nc' Castlunger Lois y Pepi dal Surt

Dom.05.05:

III. Domègna de Pasca: Festa de S.Florian

Oferta por i bojügns dla ploania

8.30: Prozesciun a Curt en onú y rengr. de S.Florian

Prozesciun con 2 Vangeli a Curt encer la taela

S.M. en onú y a suplica de S.Florian

18.00: S.M. de rengr. por Fam. Erardi Oswald y Cristina
S.M. en onú de S.Ojöp laurante da Oies
por Fam. Piazza Albin y Maria Teresa, da Roalta
S.M. por +nta Maria Kastlunger – Zucchelli, dal Medo



Ponsier dla Domègna:

Dái nutriziun a toa fede, che le dübe mörii da fan. (*Corrie ten Boom*)

Beac suns nos, sc'i daoriun nüsc edli ai sègns dla presènza de Chèl Bel Dio te nosta vita - enschiö, desch'ar'é, y nia desch'i se l'èssun dejidrada o somiada -, y sc'i cherdun ala forza dla ressureziun de Crist, co é ví nanter nos. (*Carlo Martini*)

Confidonza plajora daür trus nös

Te nosta vita da vigne dé á confidonza, crèta y fede na gran emportanza. Nos án le compit da ejaminé criticamenter döt ci che i aldiun, odun, experimentun. Mo i roássun sön na "Ijola-Robinson", sc'i ne tolésson nia sö trep con fidonza, ci co ne se lascia nia splighé con le intelet.

Cösta crèta daverta ciafa ciamó en maiú significat, olache ara se trata de amizizia nanter döes porsones y le raport con Chèl Bel Dio.

L'apostul Tomesc nes á desmostré, ch'i ne messun nia eliminé nostes domandes critiches. Sc'i orun endere roé fora de nosc cèrtl personal, messunse avèi le coraji, da dí de "Sciö" a na noela de fede credibla. (SB)

Oraziun dal de

Bun Signur,
con la Santa Pasca renovèieste
ann por ann la fede de to popul.
Láscesse entres sontí plö sot,
tan sant che le Bato
- co s'á purifiché - é.
Tan maiestus che to Spirit é,
da chèl che nos sun nasciüs danö.
Y tan prezius che to Sanch é,
a chèl ch'i sun liés.
De cösc te periuense
por Gejú Crist.

Sorvisc dai Ministronc

Lönesc 29/04 (07:30h), Dedemesaledema 01/05 (18:00h), Vèndres 03/05 (07:10h): Madalena Deval, Pia Videsott;

Sabeda 04/05 (18:00h): Lara Fappani, Linda, Luca, Anna y Moltina Clara, Giada, Ginevra y Giulio Regis;

Domègna 05/05 (08:30h): Prozesciun ia Curt;

Domègna 05/05 (18:00h): Lucy Call, Sofia Castlunger, Mattia Leggio, Jan Paul Promberger, Elisa Paola Iusco, Anna Maria Dunca, Hannes Ploner;

N. B.: Düc i ministronc é entres begnodüs da gní a sorví, ince sce ai n'é nia scric sö!



GEBETSMEINUNG
DES PAPSTES FÜR

Mai

Wir beten, dass die Kirche in Afrika durch den Einsatz ihrer Mitglieder die Einheit unter den Völkern fördert und dadurch ein Zeichen der Hoffnung bildet.

